

## DARI MEJA KETUA PUSAT PENGAJIAN >>>

Oleh: **Dr. Hj. Anas bin Ibrahim**

*Alhamdulillah, segala pujian hanya milik Allah SWT serta selawat dan salam ke atas Nabi Muhammad SAW. Buletin Fakulti Kejuruteraan Awam Universiti Teknologi MARA Cawangan Pulau Pinang (Edisi 2020) telah muncul lagi. Saya ingin merakamkan ucapan tahniah dan syabas kepada warga sidang Buletin FKA yang mampu melestarikan penerbitan buletin ini. Setinggi penghargaan kepada Prof. Ts. Dr. Salmiah Kasolang selaku penaung, penyumbang artikel dan juga seluruh warga FKA yang terlibat secara langsung dan tidak langsung dalam meyempurnakan tanggungjawab ini.*



Pembudayaan norma baharu akibat pandemik Covid-19 yang berpanjangan daripada tahun 2020 hingga sekarang menghasilkan anjakan paradigma dalam semua sektor terutamanya bidang pendidikan khususnya. Pendekatan pembelajaran secara atas talian (ODL) telah menggantikan kaedah Pendidikan secara konvensional di dalam dewan kuliah dan makmal. Perubahan ini menuntut warga Fakulti Kejuruteraan Awam untuk tangkas mempersiapkan diri dengan penggunaan teknologi bagi menyampaikan ilmu dengan berkesan kepada seluruh mahasiswa yang bertebaran di seluruh negara. Penghasilan modul pembelajaran digital akan mampu memperluaskan rangkaian penyebaran ilmu selaras dengan tema strategik pendidikan berkualiti dalam mencapai kecemerlangan global seiring dengan Pelan Strategik UiTM 2025. Bak kata pepatah 'alah bisa tegal biasa', saya percaya dalam kita mengharungi kesukaran dan cabaran bersama pihak kerajaan mendepani wabak Covid-19, terdapat banyak hikmah yang mampu di kutip dan digarap bagi membentuk peribadi unggul. Kecemerlangan UiTM bermula dengan warga kerja yang cemerlang, sinergi dan berintegriti.

